



Fidoyilik –  
Vatanga xizmat demak!

# Zarafshon

www.zarnews.uz  
https://www.facebook.com/zarnews.uz  
@zarnews\_uz  
https://twitter.com/zarnews\_uz

Кун ҳикмати

Ёлғизлик –  
ҳалокат, лекин у  
тақдир синовининг  
ҳаммасини  
бошига тушиши  
мумкин бўлган  
усулидир

1913-yil aprel oyidan chiqa boshlagan

E-mail: zarafshong@gmail.uz



Сайтимизга ўтиш учун QR-кодни  
телефонингиз орқали сканер қилинг

2020-yil 24-dekabr, payshanba, 150-151 (23.430-23.431)-sonlar



## Ҳоким каттақўрғонлик ёшлар билан учрашди

Вилоят ҳокими Эркинжон Турдимов кеча Каттақўрғон шаҳридаги 11-умумий ўрта таълим мактабида ёшлар билан учрашди.

Тадбирда 100 нафарга яқин йигит-қизлар иштирок этди. Улар асосан ишга жойлашиш, тадбиркорлик фаолиятини бошлаш учун кредит олиш, уй-жой, таълим соҳасидаги муаммолар юзасидан вилоят ҳокимига мурожаат қилди.

Вилоят ҳокими маҳалламизга келиб биз билан учрашишни мени ҳам қийнаб келаятган бир муаммонинг ечилишига ёрдам берди, - дейди Нокис маҳалласида яшовчи Фарангиз Қудратуллаева. - Бу йил пандемия сабаб оиламиз моддий жиҳатдан қийналиб қолгани учун таълим кредитига эҳтиёжим бор эди. Бугун ҳоким кўмаги билан «Микрокредитбанк» шаҳар филиали томонидан кредит ажратиладиган бўлди.

Учрашувда ёшлар томонидан билдирилган 73 мурожаатнинг аксарияти жойида ҳал этилди. Муддат талаб қилинадиганлари бўйича мутасаддиларга топшириқлар берилди.

Вилоят ҳокими Ингичка шаҳарчаси ёшлари билан ҳам учрашди.

Тўлқин СИДДИҚОВ.

## Газ босими 30 фоизгача оширилди, бироқ...

Шу йил 16 декабрь куни республика-ми Президенти Ш.Мирзиёев раислигида қишга тайёргарликда йўл қўйилган камчиликларни ҳал этиш масалаларига бағишланган видеоселектор йиғилиши бўлиб ўтди. Унда давлатимиз раҳбари газ экспортини қисқартириб, қунига 7-8 миллион куб метр табиий газ қўшимча равишда худудларга йўналтирилиши ҳисобига аҳоли эҳтиёжларини қондириш юзасидан кўрсатма берди.

Йиғилишда берилган топшириқлар ижросини таъминлаш, истеъмолчиларни куз-қиш мавсумида табиий газ билан бир маромда таъминлаш мақсадида филиали-мизда зарур режалар белгилаб олинди.

Бугунги кунда вилоятимизда 773 мингдан зиёд газлашган хонадон мавжуд бўлиб, улардан 293 минг 677 таси табиий газ билан таъминланган. Табиий газ этиб бормайдиган 479 минг 339 хонадонга суюлтирилган газ етказиб берилмоқда.

Давлатимиз раҳбари берган топшириқдан кейин табиий газ таъминлиги мавжуд худудларга қўшимча лимит ажратилди. Жумладан, Самарқанд шаҳрида аҳоли ва ижтимоий соҳа объектларига етказилаётган табиий газ таъминотини яхшилаш мақсадида «Самарқанд-1» газ тақсимлаш шохобчасидан

соатлик газ сарфи 82,7 минг метр/кубдан 88 минг метр/кубга, «Самарқанд-2» газ тақсимлаш шохобчасидан 17 минг метр/кубдан 18,3 минг метр/кубга, «Самарқанд-3» газ тақсимлаш шохобчасидан эса 5,4 минг метр/кубдан 7,6 минг метр/кубга кўтарилди. Шу каби Каттақўрғон шаҳар, Жомбой, «Тойлоқ-1», Ургут, Пахтачи, Иштихон, Пайшанба, Қўшрабат газ тақсимлаш шохобчаларида соатлик газ сарфи 10 фоиздан 30 фоизгача оширилди.

Бундан ташқари, жойларда табиий газ босимини меъёрга сақлаш мақсадида шаҳар ва туман ҳокимлари билан биргаликда ишчи гуруҳлар тузилиб, жойларда хонадонларда ноқонуний равишда ўрнатилган сўргич (насос)ларни олиб ташлаш бўйича зарур ишлар ташкил этилди.

2-саҳифа >>>

## Пайариқ давлат хизматлари маркази – янги бинода

Кеча Пайариқ туманида давлат хизматлари марказининг янги биноси фойдаланишга топширилди.

Шу муносабат билан ўтказилган тадбирда вилоят ҳокими Э.Турдимов, давлат ва жамоат ташкилотлари, кенг жамоатчилик вакиллари иштирок этди.

Энди туманимиз аҳолисига ҳам давлат хизматлари замонавий бинода кўрсатилади, - дейди туман давлат хизматлари маркази раҳбари Дилшод Сувонов. - 3,2 миллиард сўм маблағ эвазига «Қўбил Курувчи Сервис» масъулияти чекланган жамияти томонидан бунёд этилган бино замонавий сэндовч панелдан тикланган. Умумий майдони 860 квадрат метр бўлган бинода бир-бирига устун ўрнатилмаган. Бир вақтнинг ўзига 16 нуқтада аҳо-



лига тезкор ва сифатли давлат хизматлари кўрсатилади.

Аҳолига қулайлик яратиш мақсадида бинода болалар майдончаси, кутубхона, инвесторлар учун хоналар ажратилган. Бешта монитор орқали электрон навбатни кузатиш имконияти мавжуд.

Марказда шунингдек, Бош вазирнинг тадбиркорлар қабул-диагностика ва маъмурий хизматлари, нотариус, миграция ва фуқароликнинг расмийлаштириш

бўлими, ҳайдовчилик гувоҳномалари бериш хизмати фаолиятини ҳам йўлга қўйилган.

Тадбирдан сўнг туман табиёт бирлашмасининг янги қабул-диагностика ва маъмурий биноси очилди.

Шу куни Оқдарё туманида ҳам давлат хизматлари марказининг янги биноси фойдаланишга топширилди.

Ўз мухбиримиз.

## Бозорда нарх қандай?

Янги йил байрамига тайёргарлик авжиде. Байрам дастурхони тўқин бўлиши учун ҳамма бозорга ошиқади. Бозордаги нарх-наво эса кўпчилиكنинг режаларини ўзгартириб юборди. «Сиеб деҳқон бозори»да бўлиб, маҳсулотларнинг нархлари билан қизиқдик.

Дастлаб бозор чеккасидаги қишлоқ хўжалик маҳсулотларининг норасмий савдо растансини кузатиб, сўнгра камера ёрдамида яна шу маҳсулотлар нархини сўрадик. Сотувчилар камерани кўргач, цитрус меваларнинг нархини «анча туширди». Лекин мевалар одатдагидан барибир қиммат, қолаверса, сотувчилар бозор худудиде эмас, йўлнинг ёқасида расталар ташкил этиб савдо қилишмоқда.

Авалл «Янги бозор»дан улгурчи нархда маҳсулот олиб келиб шу ерда сотардик, харажатлар ҳам камроқ бўлгани учун нарх ҳам унча қиммат эмас эди, - дейди сотувчи Мустаҳкам Самиева. - Ҳозир бозор бошқа жойга кўчди, табиийки, маҳсулот олиш, йўл ҳақи ва бошқа харажатларимиз кўпайгани учун меванинг нархи ошди. Агар бозорнинг ичкарисида савдо қилсак қунига 17 минг сўм чек тўлашимиз керак, бу ҳам харажат. Ўзимиз шу маҳаллада турамиз, уйимизнинг олди бўлгани учун дарвозамиз олдида савдо қилаймиз.

Бозор ичкарисидаги нархлар билан қизиқдик. Қишлоқ хўжалик маҳсулотлари мавсум давомида деярли ўзгармаган, фақат мева ва цитрус маҳсулотлар нархи анча ошган. Масалан, бозорда кичик мандарин 43-48 минг сўмдан сотилмоқда, бу маҳсулот нархи ўтган йилга қараганда икки баробар ошган. Ананас ҳам 20 минг



сўмга қимматлаган. Шу йилнинг ноябрь ойи ўрталаридаги нарх билан солиштирганимизда помидор ва бодринг деярли 3 баробарга ошган.

Уч-тўрт кун аввал бозор қилгандик, бугун келсак яна нархлар ошибди, - дейди Самарқанд шаҳри Мулиён маҳалласида яшовчи Санжар Тагиров. - Масалан, помидор 6-7 минг сўм эди, ҳозир килограмми 10 минг сўм, банан ҳам 2-3 минг сўм қимматлаган. Гўшт арзонлабди, лекин ҳали харид қилмадим, қанча суяк қўшини билмайман.

Тўғри, сотувчи ҳам тадбиркор ҳисобланади, тадбиркорнинг фаолиятига аралашиб бўлмайди. Лекин байрамлар олди нархлар кўтарилиши ҳар қандай харидор-

га қийинчилик туғдиради. Шунинг учун қишлоқ хўжалик маҳсулотлари ярмаркаси, ишлаб чиқариш корхоналари томонидан маҳсулотлар савдоси ва бозорлар қошидаги тайёрлов савдо ташкилотлари томонидан арзонлаштирилган маҳсулотлар савдоси ташкил этилди. Хайриятки, бу ҳаракатлар олибсатарлар нархни осмонга «учириб» юборишидан сақлаб турибди.

Бозорда маҳсулот тақчиллиги ва нарх ошиб кетишининг олдини олиш учун Булунғур, Тойлоқ ва Самарқанд туманларидаги фермер хўжаликлар билан тўғридан-тўғри шартнома тузиб, маҳсулот келтириб сотишни ташкил этганимиз, - дейди «Сиеб деҳқон бозори» қошидаги тайёрлов савдо корхонаси раҳбари Норбой Сатторов. - Корхонамиз томонидан қунига 12-13 миллион сўмлик маҳсулот сотилмоқда. Мисол учун, 200 тонна картошка, 30 тоннадан гуруч ва сабзи маҳсулотлари савдоси ташкил этилди. Тадбиркорлар билан цитрус меваларни келтириб минимал нархда сотишни йўлга қўйдик. Чорвачилик фермер хўжаликлари билан шартнома асосида 53-55 минг сўмдан гўшт сотилмоқда. Қолаверса, вилоятимиздаги ишлаб чиқариш корхоналари ҳам салқин ва спиртли ичимликлар, ўсимлик ёғи, тухум, парранда гўшти ва бошқа зарур маҳсулотларни арзон нархда келтириб сотмоқда.

Ўқтам ХУДОЙБЕРДИЕВ,  
Хусан ЭЛТОВЕВ.

Юртимизда ўтказилаётган ёшлар фестивали доирасида Самарқанд шаҳридаги касб-ҳунар мактабида «Меҳр-эйтиборга муҳтож ёшларга меҳр улашиш – олийжаноб фазилат» деб номланган хайрия акцияси ташкил этилди.

## Ўқувчиларга совға берилди

Вилоят касбий таълимни ривожлантириш ва мувофиқлаштириш худудий бошқармаси томонидан вилоят прокуратураси билан ҳамкорликда ўтказилган тадбирга вилоятдаги касб-ҳунар мактабларида таълим олаётган 74 нафар ногиронлиги бўлган, ота-онасиз ўқувчилар, кам таъминланган ва ижтимоий кўмакка муҳтож оила фарзандлари тақдир қилинди.

Вилоят прокурори Р.Машарипов, касбий таълимни ривожлантириш ва мувофиқлаштириш худудий бошқармаси бошлиги А.Насимовлар ёшларни Янги йил байрами билан табриқлади, юртимиздаги ҳеч бек ёш давлатимиз эътиборидан четда қолмаслигини таъкидлади. Ташкилотчилар томонидан ўқувчи-ёшларга иссиқ кийимбош ва байрам совғалари топширилди.

## Байрам болаларники

«Қим Ватанга содиқ бўлса, мендирман ўша» шиори остида ватанпарварлик ойлиги тадбирлари давом этмоқда.

Жумладан, Ўзбекистон Республикаси Қуролли Кучлари кичик мутахассисларни тайёрлаш маркази қўмондонлиги Самарқанд шаҳридаги 61-эшитишда нуқсонига бор болалар махсус мактаб-интернатининг ўқувчи-ёшлари учун марказга саёҳат ташкил қилди.

Саёҳат давомида ёшлар ҳарбий хизматчиларга яратилган шарт-шароит, қурол-аслаҳалар кўргазмаси билан танишиб, машғулотларни кузатиди.

Тадбир якунида марказ томонидан болажонларга Янги йил совғалари улашилди.

Хусан ГОЗИЕВ.

## Отасининг нафақасига яшаётганлар...

Меҳнат қилиб, жамиятда ўз ўрнини топишга ҳаракат қилиш тушунчаси улар учун бутунлай ёт. Чунки текин томоқ бўлиб, бировга суяниб яшашга одатланиб қолишган. Ўзим гувоҳ бўлган ҳолатни келтириб ўтсам.

Маҳалламизда беш кишидан иборат оила бор. Оиланинг яшаш шароити оғир. Оила бошлиғи соғ-саломат, меҳнатга лаёқатли бўлса-да, ишламайди. Маҳалламизда фаоллари келишиб иш топиб беришди, лекин ёшлигидан ишлаб ўрганмаган эркак бунга чидамай, ишни ташлаб кетди. Оилада пенсионер ота бор, рўзгор ёши бир жойга бориб қолган отахоннинг пенсия пули эвазига. Оиладаги аёл бечора пенсиячи у ойдан бу ойга етказаман деб овора. Ҳолбуки, фарзандлар катта бўлмоқда, эҳтиёжлар кундан-кунга ортаётгани, аммо оила бошлиғининг парвоига келмайди. Пенсионер отахон ўғлини тарбиялашда

меҳнатга ўргатмагани, илми қилмаганидан афсусда.

Жамиятимизда шундай инсонлар борки, меҳнат қилишга кучи бор, соғлиғи жойида, лекин дангаса. Ўзимга яқин таниш бўлган талабалар орасида ҳам шундайлар учрайди. Ўзи меҳнат қилмай, вазибаларни тўлиқ бажармай, хўжақўрсинга дарс қилади, яна домла билан баҳо учун тортишади.

Фикримизча, камбағалликнинг асоси дангасалик ва билимсизликдир. Меҳнат қилмасдан боқиманда бўлиб яшаш ёки пешонамга йўқилиб бўлиб яшаш билган экан, «берсанг ейман, урсанг ўламан»

қабилда яшаш ҳам камбағалликка сабаб бўлади.

Жамиятимизда шундай оилалар борки, топган тутгани билан фарзандини ўқитади, илми қилишга интилади. Яна шундай оилалар ҳам борки, пул топди дегунча дабдабали тўй қилиш ҳаракати тушади ё бўлмаса ҳашаматли уй қуради, машина олади. Лекин фарзандимни ўқитиб, ҳунарли ёки билимли қилай, халқимизга фойдаси тегадиган инсон бўлсин, бир қунига ярайди деган фикрлардан анча йироқдир.

Бу жамиятимизнинг энг оғриклик нуқталаридан бири. Уйлаб қарасам, камбағаллик даволаб бўлмас касаллик эмас, инсон меҳнат қилса, яратилаётган имкониятлардан унумли фойдаланса, муҳтож бўлиб яшамайди.

Гулсиной АБДУЛЛАЕВА.







Qonun va ijro

suxandon va jurnalistlar ham [ng] burun tovushini alohida [n] va [g] undosh tovushlari kabi qo'pol urg'u bilan akan-giz, maqsadin-giz, istagin-giz va hokazo tarzda noto'g'ri talaffuz etib kelishmoqda.

O'ZBEK ALIFBOSI

qachon takomiliga yetadi?

O'zbek tiliga davlat tili maqomi berilganiga 31 yil, yangi alifboni joriy etish to'g'risidagi qonun qabul qilinganiga 27 yil to'ldi.

Davlat tili va yangi alifboni joriy etish to'g'risidagi qonun ijrosi haqida gap ketganda, ayrim kishilar bu qonunlar ijrosi ta'minlanmayotganligidan nolaydi.

"O'zbekiston Respublikasining "Davlat tili haqida"gi qonuni qabul qilinganining o'ttiz yilligini nishonlash to'g'risida"gi qarorni imzoladi.

2019-yil 21-dekabrda "O'zbek tilining davlat tili sifatidagi nufuzi va mavqeyini tubdan oshirish chora-tadbirlari to'g'risida"gi farmon qabul qilinib, uning ijrosini ta'minlash uchun 2020-2030-yillarda o'zbek tilini rivojlantirish hamda til siyosatini takomillashtirish Konsepsiyasi ishlab chiqildi.

imlo qoidalariga tayanib ish yuritishga o'tishi kerak. Bizda, avval boshdanoq, yangi alifboni o'rganish va amalga tatbiq etish borasida qat'iyatlik talab etilmaganligi sababli yangi alifboda savod chiqargan yoshlar bugungi kunda yangi o'zbek alifbosida, kekxa avlod vakillari kirill yozuvi asosidagi alifboda, o'rta avlod esa har ikkalasida ham ish olib boryapti.

bilan bir qatorda, o'zbek tilining o'ziga xos burun tovushini ifodalovchi NG ng harflar birikmasining ham "adashib" kirib qolganligi tilimizni o'rganuvchilarni ham, maktab o'quvchilarini ham chalg'itib kelyapti.

Yozuvda so'zlar tarkibidagi ng harflar birikmasini har ikkalasi mus-

Table with columns: Tr, Harflar, Nomi, Kirill, Hozirgi. It lists the current and proposed Cyrillic and Latin letters for the Uzbek alphabet.



Sakson mingdan ortiq so'z va iboralarni qamrab olgan besh tomlil "O'zbek tilining izohlii lug'ati" va imlo lug'atlari nashr etilishining o'zi mustaqil davri madaniyatimizning katta yutug'i bo'ldi.

Farmonga binoan O'zbekiston Respublikasi Vazirlar Mahkamasi tuzilmasida to'g'riqizta shtat birligidan iborat Davlat tilini rivojlantirish departamenti tashkil etildi va uning tuzilmasi, vazifalari tasdiqlandi.

Bu borada bajarilgan ishlar ichida vazirliklar, hokimliklar, yirik korxon va muassasalarda rahbarning ma'naviy-ma'rifiy ishlar samaradorligini oshirish, davlat tili to'g'risidagi qonun hujjatlari rioya etilishini ta'minlash masalalari bo'yicha maslahatchisi lavozimni kiritilganligi alohida ta'kidlash lozim.

2020-yil 10-aprelda 21-oktabrni rasman O'zbek tili bayrami kuni etib belgilash to'g'risida O'zbekiston Respublikasining qonuni qabul qilinib, 20-oktabrda "Mamlakatimizda o'zbek tilini yanada rivojlantirish va til siyosatini takomillashtirish chora-tadbirlari to'g'risida"gi qarorni e'lon qilindi.

Endi mazkur qonunlar ijrosini ta'lim va ta'minlash masalasiga kelsak, avvalo, davlat tilini o'rganish, o'rgatish, o'qitish, hujjatlarni tom ma'nodagi savodxonlik bilan yuritish uchun mukammal, yagona o'zbek alifbosini joriy etish lozim.

2019-yil 4-oktabrda Prezidentimiz

taqil holda, alohida [n] va [g] undosh tovushlarini ifodalovchi n va g harflaridan farqlashning hech ham imkoni yo'q. Chunki ular shakl jihatidan bir xildir. Masalan, quyidagi so'zlarda ma'no farqlash uchun xizmat qiladigan ng harflar birikmasi bilan yoziladigan burun tovushli so'zlarni alohida n va g tovushini ifodalovchi harflar bilan yoziladigan so'zlardan talaffuz etish orqali ularni bir-biridan farqlashning hech ham iloji yo'q.

Xo'sh, bu so'zlarning qaysi biri ng burun tovushini ifodalovchi harflar birikmasi bilan, qaysilari n va g mustaqil harflari bilan yozilgan? Tilimizda bunday so'zlar juda-juda ko'p. Ular yozuvda ng burun tovushini ifodalovchi harflar birikmasi hamda n va g mustaqil harflari bilan bir xil shakllarda beriladi, bunday so'zlarning qaysi birida ng harflar birikmasi, qaysi birida esa har biri bir mustaqil undosh tovushni ifodalovchi alohida harf ekanligini farqlash mumkin? Vaholanki, bu tovushlar nutqimizda yaqqol farqlanadi, so'zga boshqa ma'no va jilo beradi, so'zlovchi va tinglovchi talaffuzdagi ana shu farqlilikka qarab ularni o'z o'rnida qo'llayveradi.

mukammallik kashf etib, quyidagicha ko'rinish olar edi: Aa, Bb, Cc, Dd, Ee, Ff, Gg, Hh, Ii, Jj, Kk, Ll, Mm, Nn, Oo, Pp, Qq, Rr, Ss, Tt, Uu, Vv, Xx, Yy, Zz, Oo, Gg, Ss, Cc, Dd, Ii (imlo qoidalariga asoslangan) - tutuq belgisi.

Biz ham oldimizda turgan eng muhim - yangi alifbomizni takomillashtirish muammosi mohiyatini to'g'ri tushunib, ortiqcha ehtirosli bahslarga berilmasdan, yozuvimiz va imlomizni - alifbomiz va imlo qoidalarimizni mukammallashtirib, ulardagi kamchiliklarini bartaraf eta olsak, birinchi galda, tilimiz taraqqiyotiga katta yo'l ochamiz, qolaversa, yoshlarimizning, oltin xalqimizning savodxon bo'lishiga, tilimizni o'rganayotgan boshqa millat va elat vakillariga katta yengillik yaratishga erishamiz.



Mardon BOLTAYEV, SamDU dotsenti.

Аждодларимиздан авлодларга ўтиб келаётган маданий ва маънавий бойликлар - дoston, эртак, ривоят, ҳикматли сўзлар, мақол ва маталлар бошланғич синф дарсликларига ҳам ўз аксини топди.

Сўздан «сўз»нинг фарқи бор

Халқ оғзаки ижоди намуналари орасида мақолларнинг алоҳида ўрни бор. "Мақол" сўзи арабча бўлиб, "сўз" демакдир. Унда фикр аниқ, хулоса тугал, ифода лўн-да ва ҳукм тарзида бўлади. Мақоллар халқнинг донолиги намунаси. Унда кийилар ҳаётни обдон кузатиб, тажриба тўплаб айтган ҳикматли сўзлари ўз ифодасини топади. Шейрий шаклда изҳор этилган мақолларнинг мавзуси ранг-барангдир. Мақоллар яшовчанлиги, асрлар давомида шаклланиб, сайқал топиши, тарбиявий аҳамиятга эгаллиги билан ажралиб туради.



Кундалик ҳаётимиз давомида деярли ҳар кунни дуч келадиган яна шундай мақоллар борки, уларда жамиятдаги турли табақа, соҳа кишиларнинг образлари учрайди. Масалан, "Кулол мундидан сув ичар", "Тенг тенги билан, тезак қопи билан", "Подачи қизининг пода қайтганида ғайрати келар", "Пазанданинг гўжасидан ош чиқар, ношуднинг паловидан тош чиқар" каби мақоллар бирор ҳолат ва вазиятдан келиб чиқиб айтилганки, уларга эслатма ёки тарбиявий ним кулги, ҳазил-мутойиба, киноя ҳам сингдирилган. Инсонларни асрлар давомида эзгуликка, олижанобликка ундаган, меҳнатсеварлик, ватанпарварлик руҳида тарбиялаган, фаровонлиқни улуғлаган халқ мақоллари катта ҳаётни дарсдир. Шундай экан, бошланғич синф ўқувчиларига ушбу маънавий меросни ўргатиш фарзандларимизни оқил ва қомил бўлиб воёга етишига замин яратади.


Мавлуда ҚҮРБОНОВА, Тойлоқ тумани 4-умумий ўрта таълим мактаби ўқитувчиси.

Бир пайтлар оилавий суратлар альбомда сақланарди. Ҳаётимиздаги яхши, бахтли дамлар, тўй, туғилган кун, фарзандлар, биринчи устозимиз билан тушган суратлар ҳам альбомдан жой оларди. Одатда бу суратлар оила даврасида томоша қилинарди. Мактабда ўқиб юрган кезларимиз синфдош дугонам ана шундай альбом олиб келганди. Биз сурат томоша қилиб ўтирганимизда, устозимиз синфга кириб келди. Дугонамга суратларингни мактабга олиб келма, улари оила даврасида томоша қилинади, деди. Шу-шу, биз мактабга оилавий суратларимизни олиб келмайдиган бўлдик. Бу бизга бир умрлик сабоқ бўлди. Бугун ижтимоий тармоқларда оилавий, баъзида фақат ўша оиланинг ўзигина кўриши керак бўлган суратларни кўрганимизда, негадир устозимнинг сўзлари ёдимга тушаверади. Ҳозир суратларни қаерда сақлаяпмиз? Телефонда, ижтимоий тармоқлардаги саҳифаларимизда.

Уйдаги гапни ижтимоий тармоқда айтманг!

Олдин бирор киши билан танишмас саволлар берардик. Ҳозир эса ижтимоий тармоқларда бунга ҳожат ҳам қолмаган. Танишмоқчи бўлган кишининг саҳифасида барча маълумотлар бор. Тўғри, бунинг ёмон томони йўқ, бугунги давр шуни тақозо қилмоқда, қайсидир фаолиятида асқотади. Аммо ёшлар орасида шундайлари борки, бир кунда 24 соат бўлса, ҳар бир соатини ижтимоий тармоқларда ёритиб боради. Қизларнинг йигити севиғи изҳор қилганини ёки аксинча, ўрталаридаги муносабатнинг ёмонлашгани, оиласидаги

муаммолар, унаштирилгани, тўй, ҳомилдорлиги қандай кецаётгани, туғруқхонадан чиқиши... Ҳаммасини ёритиб боради. Қиз бола сирли бўлиши керак, дейишади. Лекин ижтимоий тармоқларни кузатарканмиз, сирлилик у ёқда турсин, ўзида бору йўғини намоён қилаётган саҳифа эгалари ҳақида қандай хулоса чиқаришни билмай, хуноб бўласиз. «Уйнинг гапини кўчага чиқарма» деган гапни бугун «уйнинг гапини ижтимоий тармоқда ёритма», деб бемалол талқин қилсак бўлади.



Яхши биласиз, миллий қадриятларимизда чилла деган тушунча бор. Янги туғилган чақалоқ қирқ кунгача чиллали бўлади. Чилласи чиқмаган чақалоқни турли назар-

Мулоҳаза учун мавзу лардан, тиббиёт тили билан айтадиган бўлсак, турли вируслардан химоя қилиш учун қариндош-уруғ ҳам кўришга келмайди. Ҳозирги чақалоқларни туғилганидан бошлаб суратга олиб ижтимоий тармоқларда расмини жойлаштиришади. Уларни турли назарлардан асраш керак эмасми?! Қизлар ҳис-туйғуларга берилувчан, деймиз. Аммо кейинги пайтларда «ўлдим, куйдим» қабилидаги постлар йигитларнинг саҳифаларида ҳам кўп учраётди. Жўфти ҳалолнинг ярим-яланғоч кийинган тўйдаги суратини бемалол ўз саҳифаларига жойлаштириб, кўз-кўз қилшади. Интернет тармоқларида инсонларнинг қизиқиши, кўнини қандай ўтгани, ҳаммасини билиб борса бўлади. Еган овқати, тайёрлаган таомларини ёритиб боради. Соғлиғи ёмонлашиб шифохонага туша, соғайиб кетгунча интернетга расм ташлаб туради. Хуллас, ижтимоий тармоқлар шундай улкан қозонки, унда ҳар қандай махсулотни кўриш мумкин. Беихтиёр шу «қозон»нинг қорасига ўралашиб қолсан, киши.

Муниса ШАМСИЕВА.

ЁНИМИЗДАГИ ОДАМЛАР

Турколог ва диалектолог олим

Бугунги ўзбек тилшунослиги эришган ютуқларда филология фанлари доктори, профессор Жўлибой Элтазаровнинг муносиб ҳиссаси бор.

Ж.Элтазаров 1960 йилда туғилган. Ёшлигидан адабиётга меҳр қўйди. Бўш вақтида бадий китоблар ўқиди, изланди, шунингдек, рус, инглиз, турк тилларини кунт билан ўрганди.

Чет тилларни яхши билган Жўлибой Элтазаров қатор йиллар хорижий мамлакатлар университетларининг тақлиф этилган профессори сифатида фаолият юритди.



Тилшунослик соҳасида тинимсиз изланишда бўлган олим "Сўз туркумлари ҳақидаги лингвистик назариялар", "Қадимги туркий тил", "Жанубий Корея: ўтмиш ва бугун", "Тилдаги тежамлилик тамойили ва қисқарув", "Сўз туркумлари парадигмасидаги ўзаро алоқа ҳамда

кўчиш ҳоллари" каби дарслик, монографиялар муаллифи бўлди.

2007 йилда докторлик диссертациясини муваффақиятли ҳимоя қилди. Шунингдек, 2007-2010 йилларда Япониянинг Осака университети Жаҳон тиллари институти, 2010-2014 йилларда Туркиянинг Мугла Ситки Кочман университети ҳозирги туркий тиллар кафедрасида фаолият юритди, тажриба орттирди.

Жўлибой Элтазаровнинг меҳнат фаолияти бевосита Самарқанд давлат университети билан боғлиқ. У университетда катта илмий ходим, илмий ва илмий-педагогик кадрлар тайёрлаш бўлими бошлиғи, ўзбек тилшунослиги кафедраси мудири лавозимларида ишлади.

Тажрибали, талабчан ва билимли раҳбар сифатида танилган Жўлибой Элтазаров жорий йилда "Ипак йўли" туризм халқаро университетининг биринчи проректори этиб тайинланди.

"Ипак йўли" туризм халқаро университети жамоаси, ўзбек тили ва адабиёти ҳамда ижтимоий фанлар кафедраси довлани муборақ 60 ёши билан чин дилдан қутлайди. Олимга узоқ умр, мустаҳкам соғлиқ ҳамisha ҳамроҳ бўлсин.

Дилноза ЙЎЛДОШЕВА, филология фанлари бўйича фалсафа (PhD) доктори.

Турди бобонинг ҳаёт фалсафаси

Турди Турсунов Пайариқ туманидаги Истиқлол маҳалласида истиқомат қилади. Суяги меҳнатда қотган. Кўп йиллар ўқитувчилик қилган, яхшигина ижодкор.

– Инсон ўзи учун яшамаслиги керак, – дейди Турди бобо. – Агар ҳамма лоқайд, менга нима деб кетаверса, жамият келажаги нима бўлади? Бу ҳақда қайғуриш, аввало, биз кексаларнинг вазифаси.



Сирдарё вилояти Шароф Рашидов номли туман газетасида муҳбир, 1977-1983 йилларда Пайариқ тумани қишлоқ ва сув ҳўжалиги бошқармасида муҳандис-энергетик бўлиб ишлади.

У киши қаерда ишламасин, ўз севган касби – муҳбирликни тарк этмади. Ўзининг хабар, лавҳа ва шеърлари билан туман, вилоят, республика газеталарида фаол қатнашиб келади.

Бу гаплар бировлар учун аҳамиятсиздир, ammo Турди бобо ҳаёти давомида ўзи айтаётган гапларга амал қилиб келмоқда.

Турди бобонинг умр дафтарини varaқлаймиз. У 1940 йил Пайариқнинг Одилов қишлоғида туғилган. Болалиги оғир қийинчилик йилларига тўғри келди.

Турди бобо "Умр зийнати", "Сен гўзалсан", "Дунё қалити", "Кўз мунчок", "Илҳом чашмаси", "Қўшиққа солдим" каби ўндан зиёд китобларнинг ҳам муаллифидир.

Азамат ТОВБОВЕВ, Ҳусниддин ХОЛДОРОВ.

Тухум диабет чақирадими?



Яқинда матбуотда тухум диабет чақираши ҳақида хабарлар пайдо бўлди. «Битта тадқиқот натижасига кўра, узил-кесил «Ҳа» дейиш қийин», дейди врач-психондoкpинoлог, Россия диабет ассоциацияси президенти Михаил Богомолов.

Дори ичишни эслатувчи ускуна яратилди



Дори ичиб турувчилар энди буни эсдан чиқариб қўйишдан хавотир олмасалар ҳам бўлади. Новосибирск давлат техника университетиде таблеткаларнинг автоматик дозатори яратилди.

«АиФ» (2020 йил, 48- ва 49-сонлари)дан Т.МУРОД тайёрлади.

REKLAMA, E'OLONLAR, BILDIRISHLAR / Газетамиз ҳафтада уч марта – сешанба, пайшанба ва шанба кунлари чоп этилади / Газетада чоп этилаётган реклама ва эълонлар тезкор, самарали ва ҳамёнбоп / МУРОЖААТ УЧУН ТЕЛЕФОН: 66-233-91-56

Самарқанд вилоятда автотранспорт соҳасида қуйидаги шахар, шаҳар атрофи ва шаҳарлараро-вилоят ички йўловчи ташиш йўналишларида ишлаш ҳуқуқини олиш учун 2021 йил 27 январь кунини соат 10:00 да ОЧИҚ ТЕНДЕР ТАНЛОВЛАРИ ЎТКАЗИЛАДИ

Шаҳар автобус йўналишлари:
ША "7" – "Темирйўл АББ – Самарқанд туман шифохонаси";
ША "8" – "Янгиобод маҳалласи – Қорасув массиви (Обод маскан маҳалласи)";

ШАЙ "310-Э" – "Ҳазора АББ – Жума АББ";
ШАЙ "322" – "Шоҳи Зинда АББ – Хитой маҳалласи";
ШАЙ "351" – "Мирбозор АББ – Ғалаба";

тасини ҳар хил йўналишларга тавсия этишга ҳақли эмас.
Тугатиш ва банкротлик босқичида турган ёки мулкига таъқиқ қўйилган талабгорларнинг тендерда қатнашишига йўл қўйилмайди.

ДАЪВОЛАР БЎЛСА
Ургут туманидаги "RASSVET LAZER PLUS" масъулияти чекланган жамияти (СТИР: 301320724) ўз устав фондини 251 483 815 (икки юз эллик бир миллион тўрт юз саксон уч минг саккиз юз ўн беш) сўмдан 138 329 851 (бир юз ўттиз саккиз миллион уч юз йигирма тўққиз минг саккиз юз эллик бир) сўмга камайтирмоқда.

Октябрда вафот этган) тегишли мол-мулк учун мерос иши очилмоқда.
Шу муносабат билан меросхўрларнинг Рамазанов Нуршен Уршеневич нотариал идорасида марҳум Раджабова Собира Шарифовнага (2020 йил 13 июнда вафот этган) тегишли мол-мулк учун мерос иши очилмоқда.



# «САМАРҚАНД ДОН МАҲСУЛОТЛАРИ»

АКЦИЯДОРЛИК ЖАМИЯТИ ЖАМОАСИ

барча  
юртдошларимизни

ЯНГИ 2021 ЙИЛ

билан табриклайди.



СЕРҚУЁШ ДИЁРИМИЗ ТАРАҚҚИЁТИ  
ЙЎЛИДАГИ ФИДОКОРОНА МЕҲНАТЛАРИМИЗ  
БАРАКАЛИ БЎЛСИН. ЯНГИ ЙИЛ ТЎКИНЧИЛИК,  
ТИНЧЛИК-ХОТИРЖАМЛИК ОЛИБ КЕЛСИН!

Хирмонингиз донга, қалбингиз қувонч ва шодликка тўлсин, азиз юртдошлар!

2021  
Янги йил  
ЯРМАРКАСИ

ХУШ  
КЕЛИБСИЗ

“ТЕМИРЙЎЛ  
ДЕҲҚОН БОЗОРИ”  
масъулияти чекланган жамияти жамоаси

ХУШ  
КЕЛИБСИЗ

халқимизни тобора яқинлашаётган  
ЯНГИ ЙИЛ  
билан қутлайди.

Жонажон юртимизнинг порлоқ келажаги учун  
сидқидилдан меҳнат қилаётган барча  
ватандошларимизга сиҳат-саломатлик,  
дастурхонларига қут-барака тилаймиз!

“САМАРҚАНД  
ИПАК ЙЎЛИ”  
масъулияти чекланган жамияти жамоаси

барча  
ватандошларимизни

ЙИЛ

йил билан  
муборакбод этади.

SONG'ASI

ЗАРРАСИ ОЛТИНГА ТЕНГ ЗАМИНИМИЗ НЕЪМАТЛАРИ ХАЛҚИМИЗ РИЗҚ-РЎЗИДИР.  
ОЛЛОҲ НАЗАРИ ТУШГАН ДИЁРИМИЗГА КЎЗ ТЕГМАСИН!

**САМАРҚАНД ШАҲАР ТИББИЁТ БИРЛАШМАСИ КАСАБА УЮШМА ҚЎМИТАСИ**

юртдошларимизни

**ЯНГИ ЙИЛ**

билан қутлайди.

**САМАРҚАНД ШАҲАР ТИББИЙОТ БИРЛАШМАСИ ШИФОХОНА**

**MARKAZIY**

ЯНГИ ОРЗУ-УМИДЛАР ВА ЯРАТУВЧАНЛИК ЗАВҚИ БИЛАН ЯШАЁТГАН СИЗ, АЗИЗЛАРГА СИҲАТ-САЛОМАТЛИК ТИЛАЙМИЗ!

Хизматлар лицензияланган.

**“СИЁБ ДЕҲҚОН БОЗОРИ”**

МАСЪУЛИЯТИ ЧЕКЛАНГАН ЖАМИЯТИ ЖАМОАСИ

халқимизни кириб келаётган

**2021**

ЙИЛ

билан муборакбод этади.

2021 ЙИЛ ДИЛЛАРГА ҚУВОНЧ ВА ШОДЛИК ОЛИБ КЕЛСИН!

Хизматлар лицензияланган.

**“SAG AGRO”**

МЧЖга қарашли

**“IN VITRO” лабораторияси жамоаси**

барчани кириб келаётган

**ЯНГИ 2021 ЙИЛ**

билан самимий табриклайди.

Ўзбекистон Республикаси Президентининг 2017 йил 1 июндаги “Ёнғоқ ишлаб чиқарувчилар ва экспорт қилувчилар уюшмасини тузиш ва унинг фаолиятини ташкил этиш тўғрисида”ги қарорига мувофиқ “Боғбон” ёнғоқ ишлаб чиқарувчилар ва экспорт қилувчилар уюшмаси фаолияти йўлга қўйилди. Уюшма таркибида Жомбой туманида 2,2 миллион АҚШ доллари ҳисобига “SAG AGRO” масъулияти чекланган жамиятига қарашли замонавий “In vitro” лабораторияси барпо этилди ва ишга туширилди. Ушбу маблағнинг 0,95 миллион АҚШ доллари имтиёзли кредит, 1,25 миллион АҚШ доллари ўз маблағи ҳисобланади. Ўзлаштирилган жами 2,2 миллион АҚШ долларининг 1,25 миллион АҚШ доллари қурилиш ва коммуникация учун, 0,95 миллион АҚШ доллари эса чет элдан (Туркия, Хитой ва Эрондан) лаборатория асбоб-ускуналари ва 1 гектарлик замонавий иссиқхона учун сарфланган.

Лаборатория учун жами 24,04 гектар ер ажратиб берилган бўлиб, шундан 0,24 гектар майдонда лаборатория, 1 гектар майдонда замонавий иссиқхона қуриб битказилди. 22 гектар ерда Ўзбекистонда учрамайдиган 32 та мевали дарахт кўчати олиб келиниб, парварири қилинмоқда.

Лаборатория энг замонавий жиҳозлар билан таъминланган. Мазкур лабораторияда ёнғоқ, бодом, ўрик, беҳи ва хурмо каби мевали дарахтларнинг турли касаллик ва зараркундалардан холи бўлган ҳамда курғоқчиликка чидамли, маҳаллий иқлим шароитига мос пайвандтаглар ва пайвандланган кўчатлар етиштирилади.

Лаборатория жорий йилнинг биринчи чорагида иш фаолиятини бошлаган бўлса-да ҳозирда 80 та доимий ва 100 дан ортиқ мавсумий иш ўринлари яратилди. Лабораторияда 2021 йил баҳор мавсумида 1,5 миллион дона, куз мавсумида эса 2 миллион дона турли хил мевали ва манзарали кўчат етиштириш режалаштирилган. Босқичма-босқич 2023 йилдан ишлаб чиқариш қуввати бир йилда 20 миллион донга чиқарилади.

Ҳозирги кунда лабораториямиз Самарқанд ветеринария медицинаси институти, Тошкент давлат аграр университети ҳамда Ўзбекистон Республикаси Фанлар академияси геномика ва биоинформатика маркази билан ҳамкорликни йўлга қўйган.

Лаборатория қошида агрокимё ва тупроқшунослик лабораторияси ишга туширилиб, уюшма аъзолари томонидан келтирилган тупроқ, яроқ ва сув намуналари тўлиқ таҳлил қилинмоқда. Мазкур лабораторияда тупроқнинг 15 хил кимёвий кўрсаткичлари таҳлил қилинади.

Махсулотлар сертификатланган.

Zarafshon

САМАРҚАНДСКИЙ  
ЕСТНИК

© МУАССИСЛАР:  
халқ  
депутатлари  
Самарқанд  
вилоят Кенгаши  
ва вилоят  
ҲОКИМЛИГИ

Бош муҳаррир: Фармон ТОШЕВ

Газета Ўзбекистон матбуот ва ахборот агентлигининг Самарқанд вилоят матбуот ва ахборот бошқармасида 2012 йил 30 мартда 09-01 рақам билан рўйхатга олинган.  
Нашр 100. Индекс 438.  
9 703 нусхада чоп этилди. Буюртма 793

Газета ҳафтанинг сешанба, пайшанба ва шанба кунлари чиқади.



Ҳажми 4 босма табоқ, бичими А-2

КАБУЛХОНА: 233-91-51. ХАТЛАР ВА МУРОЖААТЛАР: 233-91-53.  
БЎЛИМЛАР: 233-91-57, 233-91-58, 233-91-59, 233-91-61.  
РЕКЛАМА ВА ЭЪЛОНЛАР: 233-91-56.

МАНЗИЛИМИЗ: 140100, Самарқанд шаҳри, Улуг Турсунов кўчаси, 80-уй,  
Матбуот уйи.

Газета “Зарафшон” таҳририятининг компьютер бўлимида саҳифаланди.  
“Ношир люкс” МЧЖ босмахонасида чоп этилди.  
Корхона манзили: Самарқанд шаҳри, Спитамен кўчаси, 270-уй.  
Босишга топшириш вақти: соат 18:30 да. Босишга топширилди: соат 19:00 да.

Навбатчи муҳаррир:

Ғ.ҲАСАНОВ.

Навбатчи:

Н.ЖОНТЎРАЕВА.

Саҳифаловчи:

Б.АБДУЛЛАЕВ.

Сотува нархи келишилган ҳолда

ISSN-201667X



9 772010 1667009